

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XXIII.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

lentiam Calvinistarum retundat, & ora impudentissima comprimat, Amen.
Plura scribere revera prohibent occupationes. Bene & feliciter tua R. valeat,
& ex me Dn. D. Pappum & reliquos Collegas plurimum salutare non graveur.
Datæ raptim 16, Septembr. Annò 80. Sturgardiæ.

Rev. tua

studioff.

Lucas Osiander D.



XXIII.

*Salutem in Christo Servatore unico, Reverende
& clarissime vir, Præceptor & pater colende.*

Utinam de publicis ecclesiæ negotiis colloqui senibus aliquot, autoritate
doctrina & prudentia præstantibus, inter quos tu hoc tempore vinnes,
Ecclesiarum Doctõribus, & miseris illis ac inter se quoque malè coherentibus
collegis, quos Patres Bergenses Lycophron ille Neapolitanus nominat, coràm
liceret. Summa enim necessitas flagitat, ut de sedandis & componendis
hisce turbis, quas proximorum annorum actiones de pace auxerunt, vel certè
refutandis nervosè adversariorum procacium & impudentiff. tanta protervi-
rate & insolentia nos provocantium, scriptis, seriò tandem constituatur.
Nam unus & alter, etiam si aliquid opponat, tamen tantæ moli sustinendæ
impar est. *Εὐὴ τοι ἡγεῖσθαι, ἔσσοι δὲ τοι πῦθι ἰατρῶν.* Pervolat omnes aulas & urbes in
his regionibus epistola Chemnicii ad D. Jacobum, 8. Aprilis data, quæ mirifi-
cos lusuf passim præbet. Multi Collegas Bergenses, octolatronum sodalicio
Aristotelico conferunt, in quo dissidentes primum quatuor à quatuor, deinde
duo à duobus, tandem unus ab altero sublatus est: Ita nullam inter impro-
bos amiciciam veram esse & durare ostendunt. Utinam mederi his tristissi-
mis vulneribus aliqua ratione possimus. Sed literis, inter absentes, tanto lo-
corum intervallo distiti, efficere nihil valemus. Quare Samaritanam illum,
unicum *ἀδελφὸν κατὰ τὴν ἐκκλησίαν ἡμῶν*, toto pectore precor, ut nostri miserea-
tur, & nos doceat, gubernet, & servet. Quod de Dn. D. Henrico vom Holte
scribis, summa voluntate tuis literis de ipso ad me scriptis adductus, eum
Principi meo commendavi, & quidem testimonium à te datum adjunxi. Ve-
rum concivem in aula habet ille, ex perfidia & *παρανομίᾳ* conflatus, qui & ipsi
coràm, & mihi prolixissimè omnia de illo, in locum D. Beukii promovendo &
ornan-

ornando, pollicitus, contraria omnia egit. Ego benevolentiam & fidem ipsi probabo. Occasiones & eventus scis à DEO solo dari & gubernari. Orationem de Palatino Wolfigango, in qua tuum etiam nomen invenies, Cl. V. Dm. D. Gremio reddes, eique officia mea simul reverenter deferres, ac ut perniciosissimam omnibus Ecclesiis nostris Tragœdiam inter D. Sturmium & D. Pappum autoritate sua leniat & componat, rogabis. Bene vale. Die Matthæi, Anno 1580.

Cujus nomen, & animum & manum nosti.

(Chytræus is est)

XXIV.

Salutem & gratiam in Domino Jesu Christo. Reverende & humanissime Domine Doctor, Domine ac Præceptor observande.

Agnosco, meo officio me non satis perfunctum, in eo, quod tardius versionem Domini Buceri mitto. Verùm ea est negotiorum meorum multitudo, varietas ac magnitudo, ut si tua R. spectatrix rerum esset, potius mihi condoleret afflicto, quam succenseret promissum non præstanti. Converti tamen in germanicum epistolam ad Comandum: alteram verò dedi Domino Lautenbachio vertendam. Et quantum ex collatione vidi, existimo, sententiam authoris bene expressisse. Dominus Doctor pro suo candore & erga me benignitate excusatum me habere dignetur. Erastus post multiplices actiones cum ipso habitas, putavit, sibi hinc manendum, sed ego Electorem, misso scripto tali, quale conficere omninò potui, in utramque partem, quid sperare, quidque metuere, tum à DEO tum ab hominibus, in hoc quidem casu, haberet, edocui, & hoc impetravi, quod nunc factum est, contra omnium patronorum ipsius voluntatem & expectationem. Neque post subscriptionem libri concordie majus aliud donum à DEO contingere potuisset huic Ecclesie, quam migratio Erasti, & ejus, qui brevi etiam abiturus est, Grynæi. Spero etiam, brevi impositum iri finem insolentiae Dn. Edonis, de quo fortè Dominus D. Philippus plura scribet. Elector & Electorissa nuper scripto quodam Ducis Johannis Bipontini ita affecti mærore fuerant, ob promotam subscriptionem, ut ferè consolationi & informationi saniori vix fuerit locus, sed nunc iterum videmur satis esse confirmati. Electorissa nunc convalescit ex podagra, Elector ex anhelitus difficultate. DEUS optimus maximus det, ut uterque diu sit nobis superstes, quod quidem universæ Ecclesie Christi cederet in